

INDUSTRIKONSULENTEN PÅ OSTERØY

Årsmelding 2006

Godkjend i styringsutvalet pr 23.4.07

Forutan direkte oppdrag for etablerarar og bedrifter og sekretærfunksjonen for Osterøy Industrilag har følgjande oppgåver prega arbeidet i 2006: **sekretariat for Osterfjord Næringsamarbeid, prosjektleiar** for det EU-finansierte prosjektet **TECHTRA**, prosjektleiar for pilotprosjekt for å utløyse ei **bioenerginæring** i Hordaland, prosjektleiar for Enova-støtta forprosjekt for moglege nær/fjernvarmeanlegg og anlegg for varme-produksjon i Osterfjordregionen, sekretær for **kompensasjonsstyret** og sekretær for komiteen for fornying av **Osterøy vidaregåande skule** (nytt skulebygg og Kompetansesenteret for avansert maskinering, KAM).

Industrikonsulenten har bistått ved søknader om 3 nye **skattefunnprosjekt** i 2 bedrifter samt oppfølging av ytterlegare 6 skattefunnprosjekt i dei same 2 bedriftene

Talet på **nye oppdrag**, 28, var litt lågare enn føregåande år som igjen var lågare enn dei siste åra. Det er særleg talet på **etablerings-oppdrag** som er noko lågare; 15. Over halvparten av desse nye etablerings-oppdraga har resultert i **nye verksemder**. I dette talet er ikkje rekna med nyetableringar i 2006 i samband med oppdrag som er registrerte året før/tidlegare år. Den delen av dei me har bistått som verkeleg registrerer eit firma, er høgare enn i periodar der pågangen har vore større.

I 2006 arbeidde industrikonsulenten snautt 90% stilling med kombinert løn frå Industrikonsulenten og prosjektløn frå Osterfjord Næringsamarbeid.

Industrikonsulenten er **sekretær for Osterøy Industrilag**. Industrilaget har hatt mykje fokus på samferdsle/ ny veg mellom Hauge og Lonevåg og Arnatunnelen og å sikre tenleg industriareal i samband med kommune-delplanen for Hauge (det siste har ikkje lukkast endå). Industrilaget arbeider også for kompetanseutvikling, m.a. innan CNC/avansert maskinering og robothandtering og innan forbettringsleing/TPM. Sjå eiga årsmelding.

Kommunen har gitt tilskott til Industrikonsulent-verksemda også for 2006. Dette ligg inne i kommunen sitt langtidsbudsjett. Kommunen held kontor til Industrikonsulenten.

Me får tilskott på kr 25.000 frå **Hordland fylkeskommune** via **Osterfjord Næringsamarbeid** til næringsutviklingsarbeid.

OPPDRAG

Forutan ein del oppdrag frå året før som det har vore arbeidd vidare med, har Industrikonsulenten altså fått **28 nye oppdrag i 2006**. Dette er både reine kontakt- og informasjonsformidlingsoppdrag og oppdrag der konsulenten har gjort ein "jobb" for verksemda. Omfanget av oppdraga varierer frå oppdrag som vert løyste pr telefon til det største oppdraget som var på 17,5 timar.

Oppdraga var fordelte slik:

| | 2003 | 2004 | 2005 | 2006 |
|--------------------------------------|-----------|-----------|-----------|-----------|
| Nye etablerings-oppdrag | 33 | 35 | 19 | 15 |
| Nye oppdrag for etablerte verksemder | 17 | 19 | 15 | 13 |
| SUM | 50 | 54 | 34 | 28 |

I tillegg til det som er registrert som "oppdrag", kjem ei rekkje kontaktar med verksemdene gjennom sekretærfunksjonen for Industrilaget og gjennom prosjektarbeid.

For dei fleste av etableringsoppdraga var ønsket om å ha ein "samtalepartner" utgangspunktet for kontakten. Von om gunstig "finansiering/tilskott" var utgangspunkt for ein del. Det at det finst tilskottsordningar, er eit hjelpemiddel til å kome i kontakt med oppdragsgjevarane. Det er svært få som oppnår å få tilskott. Skattefunnordninga med skattefrådrag for utviklingsarbeid er ei bra ordning for veletablerte bedrifter.

Følgjande oppstilling syner korleis oppdraga er fordelte med omsyn til storleik på verksemdene:

| Tilsette | Tal oppdrag |
|--------------|-------------|
| Nyetablering | 15 |
| 1-4 | 2 |
| 5-9 | 5 |
| 10-19 | 1 |
| 20-49 | 4 |
| 50-100 | 1 |
| SUM | 28 |

Fordelinga er godt i tråd med målet om å prioritere dei minste verksemdene.

86 % av oppdraga er komne i stand etter direkte initiativ frå kunden. Dette inneber at det er kundane sjølve som i stor grad finn fram til og spør etter hjelp frå Industriksulenten. Kva oppdrag Industriksulenten arbeider med, vert i stor grad styrt av dette. Ved 65% av oppdraga var første kontakt pr telefon. Oppdraga har vore frå 26 ulike etablerarar / verksemdar. For 1 verksemd er det handsama 3 oppdrag.

Oppdraga for **eksisterande verksemdar** bransjefordelt:

| | |
|-------------------|-----------|
| Mekanisk industri | 5 |
| Anna industri | 5 |
| Tenester | 3 |
| SUM | 13 |

I desse tala kjem ikkje med oppdrag for eksisterande industri som går over fleire år.

Etableringsoppdraga bransjefordelt:

| | |
|---------------------------|-----------|
| Ulike former for tenester | 12 |
| Anna | 3 |
| SUM | 15 |

Det er vanskeleg å seie kor mange verksemdar det vert av desse etablerings-sakene, mange etableringar skjer over tid, men over halvparten har starta ny verksemd.

ANDRE SAKER INDUSTRIKONSULENTEN HAR ARBEIDD MED

Forutan å vera **sekretær for Osterøy Industrilag** (sjå eiga årsmelding) har Industriksulenten arbeidd med mellom anna følgjande oppgåver av meir generell karakter for Osterøy-næringslivet;

* Osterøy-næringslivet fekk **kompensasjon for auken i arbeidsgjevaravgifta** frå 1.1.2000 t.o.m. 2003. Industriksulenten er sekretær for kompensasjonsstyret. Kompensasjonsstyret har arbeidd aktivt for å bidra til realiseringa av ny riksveg 567 Hauge – Lonevåg med m.a. hjelp av ca 8 mill kr i kompensasjonsmidlar. Etter at Osterøy Utvikling vart avvikla pr 1.4.05, tok kompensasjonsstyret på seg å forvalte restmidlane på 1,65 mill kr. Det er brukt midlar i samband med vidareutvikling av Osterøy vidaregåande skule, m.a. innan feltet avansert maskinering. Dette ser ut til å gi svært gode resultat, både m.o.t. nytt skulebygg som fylkestinget har vedteke å ha ferdig til skulestart i 2010 og utvikling av undervisningstilbodet. Industriksulenten har teke på seg sekretariatsfunksjonen for **”Komiteen for vidareutvikling av Osterøy vidaregåande skule”** som vart oppretta i 2005. Denne komiteen har etablert prosjektet «Kompetansesenteret for avansert

maskinering, KAM» med Osterfjord Næringsamarbeid/ Industriksulenten som sekretariat. Prosjektet har i tillegg til midlar frå Osterøy Utvikling/ kompensasjonsstyret også fått midlar gjennom Regionalt Næringsfond for Osterfjord, frå fylket og ikkje minst gjennom innsats og gåver frå næringslivet. Det er engasjert 2 prosjektleiarar. Ved skulestart 2006 var 3 styrte CNC-maskinar godt eigna til undervisning på plass i skulen sin verkstad. Oppdatert informasjon vert lagt ut på www.rup.no, søk «avansert maskinering».

* Industriksulenten har for 2005 og 06 hatt **sekretariatsfunksjonen for Osterfjord Næringsamarbeid**. Osterfjord Næringsamarbeid vert finansiert m.a. med tilskott frå Hordaland fylkeskommune. Osterfjord Næringsamarbeid får også midlar via Hordaland fylkeskommune til Regionalt næringsfond for Osterfjord. Sjå eiga årsmelding.

* Gjennom Osterfjord Næringsamarbeid har Industriksulenten vore prosjektleiar for eit EU-finansiert prosjekt; **TECHTRA, Technology Transfer Information Network**. Dette er finansiert gjennom **Interreg IIIC-programmet ENABLE** og av **Hordaland fylkeskommune**. Forutan Osterfjord Næringsamarbeid var Thüringen Innovativ, eit teknologisenter i Erfurt, Flora kommune og Hordaland og Sogn og Fjordane fylkeskommunar partnerar i prosjektet. Prosjektet vart fullført i 2006. Budsjettet var på € 144.000, vel 1 mill kr. Prosjektet var ei vidareføring av Næringsnettprosjektet og byggjer på bedriftsbasen www.vestnett.no og nyhendetenesta www.narinytt.no. Annakvar veke får bedrifter i Osterfjordområdet handplukka nyhende tilsendt pr e-post. Sluttrapport, evalueringsrapport med meir finst på www.rup.no, søk «TECHTRA».

* Ei anna viktig oppgåve i Osterfjord Næringsamarbeid har vore igangsetting av eit **utviklingsprosjekt for å utløye bioenerginæringa i Hordaland**. På slutten av 2005 sette fylkestinget av ei ramme på 4 mill kr over 3 år til denne satsinga med Industriksulenten som prosjektleiar. Fleire Osterøy-bedrifter har engasjert seg på området og **Osterøy Energi AS** og **Palle Karm og Kassefabrikken AS** har fått tilsegn om tilskott. For oppdatert informasjon, sjå www.rup.no, søk «bioenerginæring».

* Gjennom Osterfjord Næringsamarbeid er Industriksulenten prosjektleiar for **forprosjekt for moglege nær/fjernvarmeanlegg og anlegg for varme-produksjon i Osterfjordregionen**. Både prosjektmedarbeidar Svein Hustrulid og konsulenten Enercon AS (analysar for Lonevåg, Vaksdal og Dale) har vore engasjerte.

* Industriksulenten er sekretær for prosjektgruppa som arbeider for utvikling av **mobiltoalett**. Partnerar her er Tysse Mek Verksted AS (tilhengar), Jets Standard AS, Hareid, (vakuumpoletteknologi) og Mjøs Metallvarefabrikk AS (produsent av vakuumpoletteknologi).

toalettpumper). I 2006 vart det første mobiltoalettet selt. Forsvaret kjøpte ei vogn med 5 toalett og 3 vassfrie urinalar.

MØTE, KURS, FOREDRAG

Forutan møteverksemd mm. i samband med ovan-nemnde kan nemnst;

- Delteke ved samling for **Regionalt Utviklingsprogram**, RUP, for Hordaland.
- Prosessleiar for samling i **landbruksnettverk** for Osterfjord.
- Presentert planar for nytt skulebygg og nytt kompetansesenter ved Osterøy vidaregåande skule for **fylket sitt opplærings- og helseutval**.
- Innlegg på **bygdeutviklingsseminar** i Bergen i regi av fylket, Innovasjon Noreg og fylkesmannen.
- Deltok ved **studietur til Brussel/ Belgia** i regi av Europakontoret i Hordaland fylkeskommune om EU og om næringsutviklingssamarbeid i ein region.
- Deltok ved **nyskappingskonferanse** i Bergen.
- Deltok ved **Småkraftkonferanse** i Bergen.
- Deltok ved næringsutviklingskonferanse i Bergen i regi av fylkeskommunen.
- Deltok ved strategisamling ved **Høgskolen i Bergen om nyskaping**.
- Synfaring og møte i **Fusa m.o.t. bioenergi**.
- **TECHTRA**-møte i Florø.
- Deltok ved **nyskappingsseminar ved Høgskolen i Bergen**.
- Deltok ved **ENABLE**-møte på Voss.
- Presentasjon av **TECHTRA** i Kaunas i Litauen.
- Sluttkonferanse for **ENABLE** og for **TECHTRA** i Erfurt i Tyskland.
- Opningsforedrag for **Husflidsmessa** på Osterøy.
- Deltok ved **Bioenergidagane** i Hamar.
- Deltok i erfaringsseminar for «**Etablerar-grupper**» i Bergen.
- Deltok ved studietur til Jæren i regi av Kompetansesenteret for **avansert maskinering**.

STYRINGSUTVAL

Styringsutvalet har hatt følgjande samansetning:

Formann : Lars Magne Bysheim
 Willy Helgesen, vara Jorunn Jacobsen
 Svein Skulstad, vara Jostein Jacobsen
 Ordfører Kari Forseid Aakre.

DØME PÅ SPØRSMÅL SOM INDUSTRIKONSULENTEN HAR HANDSAM I 2006.

- Me har bruk for meir areal. Me ønskjer å diskutere med deg korleis me bør gå fram.
- Eg vil registrere mitt eige firma. Kan du hjelpe meg?
- Me må lage eit meir oppdatert internkontrollsystem. Kan du hjelpe oss?
- Me skal utvikle eit nytt produkt for handikappa. Finst det nokon tilskottsordning?
- Me skal planleggje eit kraftverk. Me har høyrte at du har stelt med slikt.
- Kan du hjelpe med ei næringsfagleg vurdering slik at eg kan behalde trygda i etableringsfasen?
- Kan du hjelpe oss med ein skattefunnsøknad?
- Kan eg drive ulike næringar i same AS?
- Er det mogeleg å få støtte til norskopplæring i bedrifta?

REKNESKAP 2006

| | Utgifter | Inntekter |
|-----------------------------------|---------------------|---------------------|
| Tilskott frå Osterøy kommune | | 150.000,00 |
| Tilskott frå Osterfj Nærings | | 75.000,00 |
| Tilskott frå andre | | 35.708,00 |
| Sekretærgodtgjersle Industrilaget | | 40.000,00 |
| Konsulentonorar | | 77.650,00 |
| Prosjektinntekter | | 0 |
| Renter | | 18.143,09 |
| | | |
| Løn inkl sos utg* | 259.306,00 | |
| Revisjon | 500,00 | |
| Kontorkostnader | 4.721,20 | |
| Reise/diett elles | 13.275,00 | |
| Km godtgjersle | 3.825,00 | |
| Gebyr | 65,00 | |
| Tap på fordring | 7.875,00 | |
| Overskott | 106.933,89 | |
| | 396.501,09 | 396.501,09 |
| | | |
| Nordea 31.12.06 | 3.804.289,13 | |
| Kundefordringar | 87.062,50 | |
| Skuldige lønskostnader | | 107.763,00 |
| Skuldig skattetrekk | | 0 |
| Skuldig arbeidsgj.avg. | | 0 |
| Skuldig ONS og OIL ** | | 2.810.000,00 |
| Skuldig mva | | 19.224,00 |
| Eigenkapital | | 954.364,63 |
| | 3.891.351,63 | 3.891.351,63 |

* L Mjøs er i tillegg løna direkte frå Osterfjord Næringsamarbeid for prosjektoppgåver.

** Osterfjord Næringsamarbeid (ONS) og Osterøy Industrilag (OIL) har fått nytte Industriksulentkontoen som plasseringskonto for betre renteavkastning.

Kasserar: Lars Mjøs. Revisor: Norodd Helle

INDUSTRIKONSULENTEN PÅ OSTERØY

TIL DI TENESTE

FOR KVEN ?

Alle som driv eller har lyst til å driva næringsverksemd på Osterøy, har høve til å nytta Industrikonsulenten. Verksemda di eller planane dine kan vera frå dei minste til dei største og produksjonen din automatisert eller handverksprega.

KVA SLAG SPØRSMÅL ?

Alle typar spørsmål som har med næringsverksemd å gjera, kan rettast til Industrikonsulenten. Me vil anten kunne svara på dei sjølve eller finna fram til stader der du kan få svar. Alle opplysningar vert handsama fortruleg.

KVA KOSTAR DET ?

Tenestene til Industrikonsulenten er gratis dersom du er nyetablerar eller me treng kort tid for å finna svar på spørsmålet ditt. Dersom spørsmålet ditt krev meir arbeid, må du etter avtale betale ein timepris frå kr 300 til kr 400.

KVEN STÅR BAK ?

Det er Osterøy Industrilag som har teke initiativ til stillinga og tilsett Industrikonsulenten. Osterøy kommune støttar stillinga økonomisk og held kontor og telefon. Industrilaget betaler sekretærgodtgjersle og ein del inntekter kjem frå oppdrag me utfører for næringslivet. Ordføraren er representert i styringsutvalet for verksemda.

KVEN ER ME ?

Lars Mjøs har vore tilsett i deltids-stilling som Industrikonsulent sidan 1982. Han er utdanna sivilingeniør, maskinlina, ved Norges Tekniske Høgskule, no NTNU. Han har vidareutdanning innan undervisning og miljøvern, mellom anna arbeidsmiljøspørsmål.

Han har vore med å skrive boka "Fem små mekaniske verksteder" og boka "Grunnbok i bedriftslære".

Han har 1 års verkstadpraxis frå Nylands Mekaniske Verksted i Oslo før han tok til med utdanninga og han har arbeidd 2 år som skipsvinsjkonstruktør ved BMV, Hordvikneset. Han driv også eiga konsulentverksemd med etableraropplæring som spesialitet.

KORLEIS FÅ TAK I INDUSTRIKONSULENTEN ?

Ring direktenummer 56 19 22 70, mobil 416 28 531, faks 56 19 21 01. E-postadressa er; lars.mjøs@osteroyindustrilag.no . Du kan og vitje Industrikonsulenten i "bustaden" ved rådhuset på Hatland. Gi melding i servicekontoret i rådhuset dersom du ikkje får tak i Industrikonsulenten, så kontaktar han deg.

Nærare informasjon finn du på www.osteroyindustrilag.no/indkons